

সারা দেশে এইচএসসি পরীক্ষা শুরু

অনলাইন ডেস্ক

প্রকাশ: ০২ জুলাই, ২০২৬ ১০:৪২



সংগৃহীত ছবি

সারা দেশে একযোগে এইচএসসি ও সমমানের পরীক্ষা শুরু হয়েছে। আজ বৃহস্পতিবার (২ জুলাই) সকাল ১০টা থেকে সব বোর্ডের পরীক্ষা শুরু হয়েছে।

প্রথম দিনে দেশের ৯টি সাধারণ শিক্ষা বোর্ডে বাংলা প্রথমপত্র পরীক্ষা অনুষ্ঠিত হচ্ছে। মাদরাসা বোর্ডের অধীনে আলিম কোরআন মাজিদ এবং কারিগরি বোর্ডে এইচএসসির (বিএমটি) বাংলা-২ বিষয়ের পরীক্ষা নেওয়া হচ্ছে।

এইচএসসি/আলিম/এইচএসসি(বিএম/বিএমটি)/
এইচএসসি(ভোকেশনাল)/ডিপ্লোমা-ইন-কমার্স পরীক্ষায়
১১টি বোর্ডে মোট ১২ লাখ ৭০ হাজার ৫৮৩ জন
পরীক্ষার্থী অংশ নিচ্ছে।

মোট পরীক্ষা কেন্দ্রের সংখ্যা ২ হাজার ৬৯৭টি এবং
পরীক্ষায় অংশগ্রহণকারী মোট প্রতিষ্ঠানের সংখ্যা ৯
হাজার ৪৩৯টি।

এ বছর ৯টি সাধারণ শিক্ষা বোর্ডে অভিন্ন প্রশ্নপত্রে
পরীক্ষা অনুষ্ঠিত হচ্ছে।

সব কেন্দ্রে সিসিটিভি ক্যামেরা স্থাপন এবং শিক্ষা
মন্ত্রণালয়ে সিসিটিভি ক্যামেরা মনিটরিং সেল স্থাপন করা
হয়েছে। মনিটরিং সেলে বসে বাংলাদেশের যেকোনো
প্রান্তের যেকোনো কেন্দ্রের পরীক্ষা মনিটরিং করা যাবে।

কেন্দ্রে দায়িত্বে নিয়োজিত পুলিশ কর্মকর্তার কাছে বডি-
গর্ন ক্যামেরা থাকবে।

ফলে পরীক্ষাকেন্দ্রে অনাকাঙ্ক্ষিত ঘটনা ঘটার সম্ভাবনা
কম থাকবে।



কালের কণ্ঠের খবর পেতে গুগল নিউজ চ্যানেল ফলো